

Broj: 01-01.3-1268-8/15 S.L.

Mostar, 16.04.2015. godine

Na osnovu člana 70. Zakona o javnim nabavkama ("Službeni glasnik BiH" broj 39/14 u daljem tekstu Zakon), te člana 15. Pravilnika o javnim nabavkama JP "Autoceste FBiH" d.o.o. Mostar i preporuke Komisije za javne nabavke konstatirane u Zapisniku o pregledu i ocjeni konačnih ponuda broj: 01-01.3-1268-7/15 S.L. od 16.04.2015. godine direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

ODLUKU
o izboru najpovoljnijeg ponuđača
u pregovaračkom postupku bez objave obavještenja o nabavci

I

Ugovor za pružanje usluga: „Kontrolna mjerenja i praćenje pomjerenja na uočenom oštećenju kolovozne konstrukcije na dionici Lašva-Kakanj km 9+200 i izrada projekta sanacije“ dodjeljuje se ponuđaču: Građevinski fakultet u Sarajevu, sa registriranim sjedištem u ul. Patriotske lige 30; Sarajevo, IDB: 4200287770000 na osnovu provedenih pregovora te dostavljanja prihvatljive ponude.

II

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđaču koji je učestvovao u postupku nabavke.

III

U skladu sa članom 98. stav (2) tačka a) Zakona JP „Autoceste FBiH“ d.o.o. Mostar će dostaviti na potpis Ugovor izabranom ponuđaču nakon slanja ove Odluke.

O b r a z l o ž e n j e

JP „Autoceste FBiH“ d.o.o. Mostar je provelo pregovarački postupak bez objave obavještenja o nabavci, u skladu sa članom 21. tačka d) Zakona, sa ponuđačem Građevinski fakultet u Sarajevu. Postupak se provodi za pružanje usluga: „Kontrolna mjerenja i praćenje pomjerenja na uočenom oštećenju kolovozne konstrukcije na dionici Lašva-Kakanj km 9+200 i izrada projekta sanacije“. Nakon provedenog postupka, pregleda i ocjene ponude, utvrđeno je da ponuda ponuđača: Građevinski fakultet u Sarajevu zadovoljava zadate kriterije i da je prihvatljiva za ugovorni organ.

Kriterij za dodjelu ugovora je „najniža cijena“.

U skladu sa članom 28. Zakona stav (4) ugovorni organ je objavio na svojoj internet stranici



www.jpautoceste.ba informacije o pregovaračkom postupku bez objave obavještenja o nabavci koji namjerava provoditi na način da je odluku o pokretanju postupka nabavke učinio dostupnom za sve zainteresirane kandidate/ponuđače.

Ponuđač je u skladu sa tenderskom dokumentacijom dostavio inicijalnu ponudu. Komisija ugovornog organa je nakon pregleda i ocjene inicijalne ponude izvršila pregovore sa ponuđačem. Poslije provedenih pregovora ponuđač je dostavio svoju konačnu ponudu. Nakon pregleda i ocjene konačne ponude Komisija je ocijenila da ponuda zadovoljava zadate kriterije u tenderskoj dokumentaciji, da je prihvatljiva za ugovorni organ i dala preporuku ugovornom organu da se ugovor za pružanje usluga: „Kontrolna mjerenja i praćenje pomjeranja na uočenom oštećenju kolovozne konstrukcije na dionici Lašva-Kakanj km 9+200 i izrada projekta sanacije“ dodjeli ponuđaču: Građevinskom fakultetu u Sarajevu, sa registriranim sjedištem u ul. Patriotske lige 30; Sarajevo, IDB: 4200287770000.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

Izvršni direktor:

.....
Mirsad Nikšić, dipl.ing.maš.



Direktor:

.....
mr.sc. Ensad Karić

Dostaviti:

- Građevinski fakultet u Sarajevu
- a/a



Broj: 01-01.3-1268-7/15 S.L.
Mostar, 16.04.2015. godine

Sastanak održan 16.04.2015. godine u prostorijama JP "Autoceste FBiH" d.o.o. Mostar operativni ured Sarajevo, Dubrovačka 6.

Prema „Izveštaju o stanju stabilnosti terena na autoputu A1 – lokalitet Tičići (Topla voda)“, „Izveštaju o izvršenim opskultacijama na Autoputu Zenica Sarajevo u km 9+300 (februar 2015)“, koji je izradila firma „Winner Project“ d.o.o. Sarajevo, konstatirano je da je zbog nastalih oštećenja na kolovoznoj konstrukciji i evidentne progresije i širenja pukotina u zadnjih mjesec dana neophodno što hitnije pristupiti istražnim radovima kako bi se utvrdio uzrok oštećenja i pristupilo iznalaženju rješenja za sanaciju navedene lokacije, što podrazumjeva hitno zaustavljanje procesa pomjeranja i stabilizaciju terena. Procesom detaljnog geotehničkog istraživanja, analizom raspoloživih podataka i historijskog zapisa stanja terena, analizom klimatskih i hidrogeoloških podataka i topografskih osnova, geotehničkih i geofizičkih stanja, istražnih bušenja, ako je potrebno i laboratorijskih ispitivanja utvrditi razloge i uzroke prelaska kliznog tijela iz ravnotežnog u nestabilno stanje, te odrediti napone i deformacije u kliznom tijelu i na kontaktu sa njegovom podlogom u različitim uslovima. Analiza stabilnosti i učinci sanacionih mjera na stabilnost cijele kosine trebaju rezultirati izradom Projekta sanacije, jednostavnošću i brzinom gradnje, trajnošću i ekonomičnošću, kao i ekološkim efektom.

Kako se u konkretnom slučaju, radi o razlogu krajnje hitnosti - ugroženost stabilnosti konstrukcije autoceste, a time i sigurnosti i bezbjednosti učesnika u prometu, to je shodno članu 21. tačka d) Zakona o javnim nabavkama („Službeni glasnik BiH“ 39/14 u daljem tekstu Zakon), pokrenut pregovarački postupak bez objave obavještenja o nabavci: „Kontrolna mjerenja i praćenje pomjeranja na uočenom oštećenju kolovozne konstrukcije na dionici Lašva-Kakanj km 9+200 i izrada projekta sanacije“ i vodi se sa ponuđačem „Građevinski fakultet u Sarajevu“ Sarajevo. Sastanku prisustvuju sva tri člana komisije imenovana rješenjem broj: 01-01.3-1268-2/15 S.L. od 02.04.2015. godine.

U skladu sa članom 65. Zakona o javnim nabavkama („Službeni glasnik BiH“, broj 39/14), članom 20. Uputstva za pripremu tenderske dokumentacije i ponuda („Službeni glasnik BiH“ broj 90/14) i članom 13. Pravilnika o javnim nabavkama JP „Autoceste FBiH“ d.o.o. Mostar, Komisija dostavlja:

ZAPISNIK O PREGLEDU I OCJENI KONAČNIH PONUDA u pregovaračkom postupku bez objave obavještenja o nabavci

- a) Naziv i sjedište ugovornog organa: JP "Autoceste FBiH" d.o.o. Mostar;
- b) Predmet nabavke: Nabavka usluga: „Kontrolna mjerenja i praćenje pomjeranja na uočenom oštećenju kolovozne konstrukcije na dionici Lašva-Kakanj km 9+200 i izrada projekta sanacije“;
- c) Evidencijski broj nabavke: 01-01.3-1268/15 S.L.;
- d) Posebni slučajevi i okolnosti iz čl. 21.-24. Zakona koji opravdava korištenje ovog postupka: Postupak se provodi u skladu sa članom 21. tačka d) Zakona u kojoj je navedeno *"kada izuzetno, zbog dokazivih razloga krajnje hitnosti, prouzrokovane događajima nepredvidivim za ugovorni organ, ne mogu ispoštovati ovim zakonom utvrđeni minimalni rokovi"*

za otvoreni, ograničeni ili pregovarački postupak s objavom obavještenja. Okolnosti kojima se opravdava izuzetna hitnost postupka ni u kom slučaju ne smiju se dovesti u vezu s ugovornim organom.

e) Datum početka pregleda i ocjene inicijalnih/konačnih ponuda: Inicijalnu ponudu Komisija je pregledala 13.04.2015. godine.

Konačnu ponudu Komisija je pregledala dana 16.04.2015. godine.

f) Datum slanja poziva na pregovaranje: Komisija je pozvala ponuđača na pregovore o ponuđenoj cijeni i ostalim elementima ugovora dana 13.04.2015. godine. Pregovori su zakazani za 14.04.2015. godine u 11:00 sati.

Ponuđač se uredno odazvao pozivu na pregovore, te su isti izvršeni u prostorijama Ugovornog organa u zakazanom terminu. Nakon provedenih pregovora ponuđač se složio da će ponovno analizirati ponuđene cijene i dostaviti končanu ponudu. Dogovoreno je da u što kraćem roku, a najdalje do 16.04.2015. godine u 16:00 sati Ponuđač dostavi svoju konačnu ponudu. Tom prilikom su ponuđaču dostavljeni Obrasci Aneksa 2 i Aneksa 3 za konačnu ponudu;

g) Datum slanja poziva na izmjenu i/ili dopunu inicijalne ponude ili na dostavu konačne ponude: Dana 14.04.2015. godine na provedenim pregovorima ponuđač je pozvan da dostavi konačnu ponudu. Dana 15.04.2015. godine u 11:25 sati Ponuđač je dostavio svoju konačnu ponudu, što je registrirano Zapisnikom o zaprimanju ponuda koji je sastavni dio ovog Zapisnika.

h) Naziv i sjedište svih ponuđača, prema redoslijedu zaprimanja inicijalnih i/ili konačnih ponuda: U skladu sa Odlukom o pokretanju Pregovaračkog postupka bez objave obavještenja o nabavci broj: 01.01.3-1268/15 S.L. od 25.03.2015. godine upućen je poziv za dostavljanje ponude ponuđaču Građevinski fakultet u Sarajevu, koji je kompetentan i sposoban za pružanje usluga: „Kontrolna mjerenja i praćenje pomjeranja na uočenom oštećenju kolovozne konstrukcije na dionici Lašva-Kakanj km 9+200 i izrada projekta sanacije“, koji je dana 06.04.2015. u 14:30 dostavio inicijalnu ponudu.

Dana 15.04.2015. godine u 11:25 Ponuđač je dostavio konačnu ponudu.

i) Podatke o pojašnjenju dokumenata u skladu sa članom 68. stav (3) Zakona ako ih je bilo: Nije traženo pojašnjenje dokumenata.

j) Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:

A. Inicijalna ponuda

Ponuđač je uredno dostavio svoju ponudu do roka traženog u tenderskoj dokumentaciji. Nakon pregleda dostavljene ponude, Komisija za javnu nabavku je konstatirala da je priložena sva tražena dokumentacija, te da je Ponuđač kompetentan, pouzdan i sposoban za izvršenje ugovora, uzimajući u obzir uvjete tražene tenderskom dokumentacijom:

1. Da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili trgovačkim registrima;

U svrhu dokazivanja profesionalne sposobnosti ponuđač je trebao dostaviti dokaz o registraciji u odgovarajućem profesionalnom ili drugom registru u zemlji u kojoj je registrovan ili da obezbijedi posebnu izjavu ili potvrdu nadležnog organa kojom se dokazuje njegovo pravo da obavlja profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije.

Ponuđač je uz ponudu dostavio dokaz o registraciji u vidu ovjerene kopije Izvoda iz sudskog registra i ovjerene kopije Ovlaštenja / Rješenja Federalnog ministarstva prostornog uređenja za obavljanje djelatnosti koja je predmet nabavke.

2. Sukob interesa sukladno tački 4.4 tenderske dokumentacije

Ponuđač je bio dužan uz ponudu dostaviti i posebnu pismenu izjavu da nije nudio mito niti učestvovao u bilo kakvim radnjama čiji je cilj korupcija u javnoj nabavci. Izjava je



prilog tenderskoj dokumentaciji (Aneks 6).

Ponuđač je u sklopu dostavljene ponude dostavio:

Pismenu Izjavu iz člana 52 Zakona o javnim nabavkama („Službeni glasnik BiH“ broj: 39/14).

Komisija je konstatala da ponuda zadovoljava zadate kriterije i da je Ponuđač kvalificiran za nastavak postupka.

- k) Naziv i sjedište ponuđača koji se isključuju te obrazloženje razloga njihovog isključenja:** Nije primjenjivo.
- l) Analitički prikaz traženih i dostavljenih dokaza tehničke i profesionalne sposobnosti ponuđača:** Nije primjenjivo.
- m) Prikaz traženih i dostavljenih garancija za ozbiljnost ponude:** Nije tražena garancija.
- n) Podatke o pojašnjenju inicijalnih i/ili konačnih ponuda:** Nije traženo pojašnjenje.
- o) Prikaz valjanosti inicijalnih i/ili konačnih ponuda prema obliku, sadržaju i cjelovitosti:** Komisija je izvršila procjenu početne/inicijalne ponude prema obliku, sadržaju i cjelovitosti i konstatala da je ponuda dostavljena u skladu sa uvjetima i kriterijima koji su utvrđeni u tenderskoj dokumentaciji. U dostavljenoj inicijalnoj ponudi ponuđač je ponudio ukupnu cijenu u iznosu od: 95.579,00 KM bez obračunatog PDV-a.
U dostavljenoj konačnoj ponudi ponuđač je ponudio popust od 5% na ukupnu cijenu, tako da cijena konačne ponude iznosi: 90.800,05 KM bez obračunatog PDV-a. Komisija je pristupila provjeri konačne ponude ponuđača prema uvjetima i kriterijima utvrđenim u tenderskoj dokumentaciji.
Na osnovu gore navedenog Komisija je konstatala da ponuda zadovoljava zadate kriterije i da je prihvatljiva za ugovorni organ;
- p) Analiza inicijalnih i/ili konačnih ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Inicijalna i konačna ponuda zadovoljavaju zahtjev u pogledu opisa predmeta nabavke i tehničkih specifikacija.
- q) Podatke o ispravkama računskih grešaka u inicijalnim i/ili konačnim ponudama:** Računskih grešaka nije bilo.
- r) Naziv i sjedište ponuđača čije inicijalne i/ili konačne ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** Nije primjenjivo.
- s) Razloge za odbijanje inicijalne i/ili konačne ponude zbog neprirodno niske cijene:** Nije primjenjivo.
- t) Analiza prihvatljivih konačnih ponuda prema kriteriju za izbor ponude:** U sklopu konačne ponude Ponuđač je ponudio cijenu u iznosu od: 90.800,05 KM bez PDV-a.
- u) Rangiranje prihvatljivih konačnih ponuda prema kriteriju za izbor ponude:** Kriterij za dodjelu ugovora je: „najniža cijena“

NAZIV KOMPANIJE	CIJENA IZ OBRASCA PONUDE (bez uklj. PDV-a) (KM)	KORIGIRANE VRIJEDNOSTI		KORIGIRANI IZNOS CIJENE IZ PONUDE (KM)
		MATEMATIČKE GREŠKE	POPUSTI	
1. Građevinski fakultet u Sarajevu	90.800,05	-	-	90.800,05

- v) Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** Građevinski fakultet u Sarajevu, sa registriranim sjedištem u ul. Patriotske lige 30; Sarajevo, IDB: 4200287770000. Ponuđač je dostavio prihvatljivu ponudu i ponudio prihvatljivu cijenu.
- w) Podatke o dijelu ugovora koji se daje u podugovor i podatke o podizvođaču:** Ponuđač je izrazio namjeru podugovaranja dijela usluga.
- x) Podatke o provjeri najpovoljnijeg ponuđača sa kojim ugovorni organ namjerava zaključiti**



ugovor o javnoj nabavci: Dokaze za kvalifikaciju ponuđača ponuđač je dostavio uz ponudu.

- y) Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** Komisija daje preporuku Direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar da donese Odluku da:

Ugovor za nabavku usluga: „Kontrolna mjerenja i praćenje pomjeranja na uočenom oštećenju kolovozne konstrukcije na dionici Lašva-Kakanj km 9+200 i izrada projekta sanacije“ dodjeli Građevinskom fakultetu u Sarajevu, sa registriranim sjedištem u ul. Patriotske lige 30; Sarajevo, IDB: 4200287770000.

- z) Datum završetka postupka pregleda i ocjene inicijalnih i/ili konačnih ponuda:** Komisija je završila pregled i ocjenu inicijalne ponude dana 13.04.2015. godine.

Komisija je završila pregled i ocjenu konačne ponude dana 16.04.2015. godine u 10:40 sati.

- aa) Ime i prezime te potpis ovlaštenih predstavnika ugovornog organa koji su izvršili pregled i ocjenu inicijalnih i/ili konačnih ponuda:**

Članovi komisije:

Mirza Resić, predsjednik komisije.....

Lejla Hodžić, član komisije

Damir Kulenović, član komisije

Za sekretara Komisije imenovana je Senada Lizde.

- bb) Popis priloga uz zapisnik (zahtjevi za pojašnjenjem inicijalnih i/ili konačnih ponuda, zahtjevi za dostavu originala ili ovjerenih kopija traženih dokumenata, zahtjevi za prihvatanje ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja prihvatanje ispravke, mišljenje stručne službe ugovornog organa ili nezavisne stručne osobe ili sl.):**

1. Kopija zapisnika o vođenju pregovora i
2. Kopija Zapisnika o zaprimanju ponuda

Saglasan:

.....
mr.sc. Ensad Karić, direktor



Broj: 01-01.3-1268-5/15 S.L.

Mostar, 14.04.2015. godine

ZAPISNIK O PREGOVORIMA

Sastavljen dana 14.04.2015. godine u 11:00 sati u Sali JP „Autoceste Federacije BiH“ d.o.o. Mostar, Operativni ured na adresi Dubrovačka 6 u Sarajevu, u predmetu: pregovori o dostavljenoj početnoj ponudi u pregovaračkom postupku bez objave obavještenja za nabavku: „Kontrolna mjerenja i praćenje pomjeranja na uočenom oštećenju kolovozne konstrukcije na dionici Lašva-Kakanj km 9+200 i izrada projekta sanacije“, koji se sprovodi u skladu sa članom 21. tačka d) Zakona o javnim nabavkama („Službeni glasnik BiH“ broj 39/14).

Prisutni:

1. prof.dr. Samir Dolarević, dipl.inž.građ., ovlaštenu predstavnik „Građevinskog fakulteta u Sarajevu“
2. Mirza Resić, predsjednik komisije
3. Lejla Hodžić, član komisije,
4. Damir Kulenović, član komisije i
5. Senada Lizde, sekretar komisije

Prema „Izveštaju o stanju stabilnosti terena na autoputu A1 – lokalitet Tičići (Topla voda)“, „Izveštaju o izvršenim opskultacijama na Autoputu Zenica Sarajevo u km 9+300 (februar 2015)“, koji je izradila firma „Winner Project“ d.o.o. Sarajevo, konstatirano je da je zbog nastalih oštećenja na kolovoznoj konstrukciji i evidentne progresije i širenja pukotina u zadnjih mjesec dana neophodno što hitnije pristupiti istražnim radovima kako bi se utvrdio uzrok oštećenja i pristupilo iznalaženju rješenja za sanaciju navedene lokacije, što podrazumjeva hitno zaustavljanje procesa pomjeranja i stabilizaciju terena. Procesom detaljnog geotehničkog istraživanja, analizom raspoloživih podataka i historijskog zapisa stanja terena, analizom klimatskih i hidrogeoloških podataka i topografskih osnova, geotehničkih i geofizičkih stanja, istražnih bušenja, ako je potrebno i laboratorijskih ispitivanja utvrditi razloge i uzroke prelaska kliznog tijela iz ravnotežnog u nestabilno stanje, te odrediti napone i deformacije u kliznom tijelu i na kontaktu sa njegovom podlogom u različitim uslovima. Analiza stabilnosti i učinci sanacionih mjera na stabilnost cijele kosine trebaju rezultirati izradom Projekta sanacije, jednostavnošću i brzinom gradnje, trajnošću i ekonomičnošću, kao i ekološki efektom.

Kako se u konkretnom slučaju, radi o razlogu krajnje hitnosti - ugroženost stabilnosti konstrukcije autoceste, a time i sigurnosti i bezbjednosti učesnika u prometu, to se shodno članu 21. tačka d) Zakona, pokreće pregovarački postupak bez objave obavještenja o nabavci i vodi sa ponuđačem „Građevinski fakultet u Sarajevu“.

Ponuđač je uredno dostavio svoju početnu ponudu do roka traženog u tenderskoj dokumentaciji. Nakon pregleda dostavljene ponude, Komisija za javnu nabavku je konstatirala da je priložena sva tražena dokumentacija, te da je Ponuđač kompetentan, pouzdan i sposoban za izvršenje ugovora, uzimajući u obzir uvjete tražene tenderskom dokumentacijom. U ponudi broj: 04-1-470/15 od 06.04.2015. godine, Ponuđač je dostavio ukupnu cijenu za usluge



kontrolnog mjerenja i praćenja pomjeranja na uočenom oštećenju i izrada projekta sanacije u vrijednosti od: 95.579,00 KM bez uračunatog PDV-a.

Komisija je uputila poziv za pregovore sa ponuđačem dana 13.04.2015. Zakazani su pregovori za 14.04.2015. godine. Pregovori se vode o ponuđenoj cijeni, tehničkim, pravnim i ekonomskim uvjetima za uspješno okončanje planiranih aktivnosti.

1. Pregovori o ponuđenoj cijeni, tehničkim, pravnim i ekonomskim uvjetima za uspješno okončanje planiranih aktivnosti vode se između Komisije za javnu nabavku JP „Autoceste Federacije BiH“ d.o.o. Mostar imenovanu prema Rješenju broj: 01-01.3-1268-2/15 S.L. od 02.04.2015. godine i Ponuđača „Građevinski fakultet u Sarajevu“, koga predstavlja ovlaštenu predstavnik: prof.dr. Samir Dolarević, dipl.inž.građ., prema predloženoj punomoći.
2. Pregovori se vode u Sali Operativnog ureda Sarajevo, Dubrovačka 6, Sarajevo. G-din Mirza Resić, predsjednik Komisije za javnu nabavku JP „Autoceste Federacije BiH“ d.o.o. Mostar je kratko upoznao predstavnika Ponuđača o problematici predmetne nabavke, elementima ponude i načinu pregovaranja, što će dovesti do međusobnog usaglašavanja i konačne ponude Ponuđača.
3. Član komisije za tehnički pitanja ponude g-din Damir Kulenović je obrazložio da se sa istražnim radovima mora početi hitno, jer su svakim danom vidljiva nova oštećenja i pukotine. Istaknuo je da svaki daljnji korak u postupku zavisi od provedenih istraživanja i rezultata tih istraživanja. Očekuje se da će predmjerom predviđen obim radova biti dovoljan za utvrđivanje stvarnog stanja na terenu, a kako bi se sagledale sve činjenice i utvrdio stvarni uzrok nastanka oštećenja. Analizom ukupne cijene, uključujući i sve jedinične cijene, utvrđeno je da su iste korektna, u okviru predviđenog budžeta, te odgovaraju realnim tržišnim cijenama i cijenama ponuđenim u ranijim postupcima nabavki koji su za predmet imali iste ili slične usluge.
4. Predstavnik Ponuđača prof.dr. Samir Dolarević, dipl.inž.građ. je obrazložio da je Ponuđač cijene provjeravao na više načina, cijeneći dosadašnja iskustva i uračunavši sve troškove pružanja usluga. Cijena specijalnih piezometarskih konstrukcija je bazirana na osnovu nabavne cijene, gdje je cijena brtvi za piezometre veoma visoka, te su ponude za ovu opremu provjeravane kod više dobavljača. U vezi sa brojem i tipom pomenutih piezometarskih konstrukcija, istaknuto je kao veoma bitno provjeriti tokove podzemnih voda i njihovu koncentraciju na užem i širem lokalitetu Tičića (Topla voda). U slučaju da se radi o tokovima podzemnih voda koncentrisanih na jednom mjestu, smatra se da rješavanje problema sanacije neće biti naročito zahtjevno. Da bi se precizno identificirali uzroci pomenutih oštećenja, te utvrdila tačna površina problematične klizne ravni potrebno je izvršiti detaljna ispitivanja i mjerenja, te analizirati dobivene rezultate i predložiti adekvatno rješenje.
5. G din Damir Kulenović je istakao, da je u Predmjeru radova predviđen iznos od 10% za nepredviđene radove, koji se zbog kompleksnosti i nepredvidivosti ove vrste ispitivanja mogu pojaviti.
6. Predstavnik Ponuđača prof.dr. Samir Dolarević, dipl.inž.građ. je obrazložio da će se, u zavisnosti od rezultata, razmatrati mogućnost za dodatna ispitivanja.
7. G-din Mirza Resić je konstatirao, da je prema preliminarnim istraživanjima projektni zadatak i predmjer radova uglavnom obuhvatio sve radove i usluge, te je, uprkos konstataciji da ponuđene cijene odgovaraju tržišnim, zamolio da se ponuđene cijene još jednom analiziraju i da ponuđač zajedno sa predloženim podugovaračem razmotri eventualnu mogućnost odobravanja popusta na cijene iz početne inicijalne ponude. Cilj je da se na obostrano zadovoljstvo i korist objiju strana dođe do zadovoljavajuće konačne cijene.
8. Ovlašteni predstavnik Ponuđača prof.dr. Samir Dolarević, dipl.inž.građ. se složio sa prijedlogom



da se još jednom analiziraju i sa podugovaračem razmotre mogućnosti korekcije ponuđenih cijena. Razgovori će se obaviti još u toku dana, tako da bi se konačna ponuda mogla dostaviti što prije.

9. Dogovoreno je da će Ponuđač dostaviti konačnu ponudu najkasnije do četvrtka 16.04.2015. godine u 16:00 sati.
10. Dogovoreno je da će svi eventualni sukobi i nesuglasice rješavati dogovorom.

prof.dr. Samir Dolarević, dipl.inž.građ., Ponuđač
Mirza Resić, predsjednik komisije
Lejla Hodžić, član komisije,
Damir Kulenović, član komisije
Senada Lizde, sekretar komisije



ZAPISNIK o zaprimanju ponuda /prilog Zapisniku o otvaranju ponuda/

Broj nabavke: 01-01.3-1268/15 S.L.

Naziv predmeta nabavke: "KONTROLNA MJERENJA I PRACEWJE POHWERANJA NA UOČENOM OŠTEĆENJU
KOLOVOZNE KONSTRUKCIJE NA DIONICI LASVA-KAKANJ 9+200 I IZRADA PROJEKTA
SMAWACW

Krajnji rok za dostavljanje ponuda: 16.04.2015. DO 16:00 SATI

SPISAK BLAGOVREMENO PRISTIGLIH PONUDA

Red broj	Naziv ponuđača	Datum prijema	Sat prijema	Ponuda zatv. da/ne	Ponuda ošteć. da/ne	Napomena
1.	"GRAĐEVINSKI FAKULTET U SARAJEVU"	15.04.2015.	11:25	DA	NE	—

/Prilikom zaprimanja na omotnici ponude će se ubilježiti broj protokola, redni broj, datum i vrijeme zaprimanja prema redoslijedu zaprimanja/

Služba Protokola: Amir Džukan

Sekretar Komisije Senada Lubić

